

Broj: 02D-379-10/26

Sarajevo, 26.03.2026. godine

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama (Sl. glasnik BiH broj: 39/14, 59/22 i 50/24), člana 8. stav (2) tačka d) Pravilnika o uspostavljanju i radu Komisije za nabavke (Sl. glasnik BiH broj: 103/14 i 49/23), i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku, broj: 02D-379-8/26 od 23.03.2026. godine, u postupku javne nabavke roba – **Dezinficijensi i antiseptici/2, JN-175/25**, direktor Javne ustanove Opća bolnica „Prim. dr. Abdulah Nakaš“, je donio

ODLUKU

o izboru najpovoljnijeg ponuđača za LOT-ove 1, 2 i 3

Član 1.

Prihvata se Preporuka Komisije za nabavku, broj: 02D-379-8/26 od 23.03.2026. godine za javnu nabavku roba – **Dezinficijensi i antiseptici/2**, te se Okvirni sporazum za nabavku roba dodjeljuje ponuđaču po lotovima kako slijedi:

dodijeli ponuđaču SPEKTROLAB d.o.o. Banja Luka, ponuda dostavljena dana 10.03.2026. godine, za ponuđenu cijenu za lot kako slijedi:

1. LOT 1 - Pjenušavo dezinfekciono sredstvo za kožu - 7.800,00 KM bez uračunatog PDV-a, odnosno 9.126,00 KM sa uračunatim PDV-om kao jedinom i prihvatljivom ponuđaču na dvogodišnjem nivou;
2. LOT 3 - Tablete na bazi hlora za dezinfekciju vode - 12.899,00 KM bez uračunatog PDV-a, odnosno 15.091,83 KM sa uračunatim PDV-om kao najpovoljnijem ponuđaču na dvogodišnjem nivou;

dodijeli ponuđaču GLOBEX d.o.o. Banja Luka, ponuda dostavljena dana 11.03.2026. godine, za ponuđenu cijenu za lot kako slijedi:

1. LOT 2 - Četka za hirurško pranje ruku - 18.700,00 KM bez uračunatog PDV-a, odnosno 21.879,00 KM sa uračunatim PDV-om kao jedinom i prihvatljivom ponuđaču na dvogodišnjem nivou.

Član 2.

Postupak iz člana 1. ove Odluke proveden je metodom „otvoreni postupak“, a za izbor najpovoljnijeg ponuđača korišten je kriterij „najniža cijena“.

Član 3.

Ugovorni organ je u tenderskoj dokumentaciji predvidio provođenje E-aukcije za **LOT-ove 1 i 2**.

Nakon prijema i evaluacije ponuda konstatovano je da je ponudu za navedene lotove dostavio po 1 (jedan) prihvatljivi ponuđač.

U skladu sa članom 4. stav (2) Pravilnika o uslovima i načinu korištenja E-aukcije („Službeni glasnik BiH“ broj 80/23) u slučaju prijema jedne prihvatljive ponude E-aukcija se ne može zakazati, nego se postupak okončava u skladu sa članom 69. Zakona o javnim nabavkama („Službeni glasnik BiH“ broj 39/14 i 59/22).

Ugovorni organ je u tenderskoj dokumentaciji predvidio provođenje E-aukcije za **LOT 3**.

Nakon prijema i evaluacije ponuda konstatovano je da su ponudu za LOT 3 dostavila 2 (dva) prihvatljiva ponuđača i to: TUZLA-FARM d.o.o. Tuzla i SPEKTROLAB d.o.o. Banja Luka.

Po završetku E-aukcije, a na osnovu Izvještaja o toku i završetku E-aukcije, ponude navedenih ponuđača za predmetnu nabavku su rangirane kako slijedi:

1. **SPEKTROLAB d.o.o. Banja Luka** sa konačnom cijenom ponude u iznosu od 12.899,00 KM bez uračunatog PDV-a;
2. **TUZLA-FARM d.o.o. Tuzla** sa konačnom cijenom ponude u iznosu od 12.900,00 KM bez uračunatog PDV-a.

Član 4.

Izabrani ponuđači su svoje početne cijene nakon provedene „E-aukcije“ umanjili za **LOT 3** kako slijedi :

Ponuđač **SPEKTROLAB d.o.o. Banja Luka**, svoju početnu ponudu za:

- LOT 3 umanjio je za procenat od 14,01%

Ponuđač **TUZLA-FARM d.o.o. Tuzla**, svoju početnu ponudu za:

- LOT 3 umanjio je za procenat od 14%

Sve jedinične cijene po stavki iskazane u Obrascu za cijenu ponude će se umanjiti za isti procenat, te tako umanjene cijene primijeniti u Okvirnom sporazumu.

Izabrani ponuđač obavezuju se dostaviti obrazac za cijenu ponude sa umanjenim iznosom nakon održane e-aukcije, u roku od 10 (deset) dana od dana prijema ove Odluke, na mail: sejla.konakovic@obs.ba i melisa.mehic@obs.ba.

Član 5.

(1) Prijedlog Okvirnog sporazuma za LOT-ove za koje su ponude dostavili po jedan kvalifikovani ponuđač, dostavit će se na potpis izabranim ponuđačima uz Odluku o izboru najpovoljnijeg ponuđača.

(2) Prijedlog Okvirnog sporazuma za LOT-ove za koje su ponude dostavili više kvalifikovanih ponuđača, dostavit će se na potpis izabranim ponuđačima nakon isteka roka od petnaest (15) dana, računajući od dana kada su ponuđači obaviješeni o rezultatima postupka nabavke.

Član 6.

Izabrani ponuđači koji nisu uz ponudu dostavili originale ili ovjerene kopije dokumentacije iz člana 45. Zakona o javnim nabavkama, obavezuju se da iste dostave u roku od 10 (dana) od dana prijema ove Odluke putem protokola Ugovornog organa, ukoliko iste nisu dostavili uz ponudu.

Član 7.

Ova Odluka objavit će se na internet stranici Javne ustanove Opća bolnica „Prim. dr. Abdulah Nakaš“ (www.obs.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama („Službeni glasnik BiH“ broj 39/14 i 59/22, 50/24).

Obrazloženje

Postupak javne nabavke sproveden je putem otvorenog postupka, broj tendera **JN-175/25**, a isti je pokrenut Odlukom o pokretanju postupka javne nabavke, broj: 23-15665-1/25 od 23.12.2025. godine.

Komisija za nabavku, imenovana je Rješenjem broj: 02D-379/26 od 10.02.2026. godine.

Procijenjena vrijednost javne nabavke iznosi **70.500,00** KM bez uračunatog PDV-a, odnosno po lotovima kako slijedi:

LOT 1. Pjenušavo dezinfekciono sredstvo za kožu.....	7.800,00 KM
LOT 2. Četka za hirurško pranje ruku	19.000,00 KM
LOT 3. Tablete na bazi hlora za dezinfekciju vode	15.000,00 KM

LOT 3. Tablete na bazi hlora za dezinfekciju vode	15.000,00 KM
LOT 4. Dezinfekciona sredstva za medicinske aparate	28.700,00 KM

Obavještenje o nabavci broj 1125-1-1-45-3-143/26 objavljeno je na Portalu javnih nabavki dana 10.02.2026. godine, a u „Službenom glasniku“ broj 11/26 dana 13.02.2026. godine.

Komisija za predmetnu javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda broj: 02D-379-7/26 od 23.03.2026. godine, Preporuku o izboru najpovoljnijeg ponuđača broj: 02D-379-10/26 od 26.03.2026. godine i Izvještaj o radu broj: 02D-379-9/26 od 23.03.2026. godine.

U postupku po Izvještaju o radu Komisije, utvrđeno je da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike u kojima je utvrđeno da su blagovremeno primljene 4 (četiri) ponude i da nije bilo neblagovremeno primljenih ponuda.

Analiza ponuda vezano za ispunjenje zahtjeva u pogledu opisa predmeta nabavke i tehničkih specifikacija:

Ponuda ponuđača „**TUZLA-FARM**“ d.o.o. Tuzla za LOT 3 je prihvatljiva u skladu sa odredbama člana 2. stav (1) tačka 1) podtačka 1) Zakona o javnim nabavkama Bosne i Hercegovine (“Službeni glasnik BiH” broj 39/14, 59/22 i 50/24).

Ponuda ponuđača **D.O.O. „SPEKTROLAB“ Banja Luka** za LOT 1 i LOT 3 je prihvatljiva u skladu sa odredbama člana 2. stav (1) tačka 1) podtačka 1) Zakona o javnim nabavkama Bosne i Hercegovine (“Službeni glasnik BiH” broj 39/14, 59/22 i 50/24).

Ponuda ponuđača "**GLOBEX**" d.o.o. Zenica za LOT 2 je prihvatljiva u skladu sa odredbama člana 2. stav (1) tačka 1) podtačka 1) Zakona o javnim nabavkama Bosne i Hercegovine (“Službeni glasnik BiH” broj 39/14, 59/22 i 50/24).

Naziv i sjedište ponuđača koji se isključuju zbog neispunjavanja uslova za kvalifikaciju, te obrazloženje razloga njihovog isključenja, za svakog ponuđača posebno:

1. „INTERPROMET“ d.o.o. Novi Grad za LOT 1

Ponuda ponuđača „**INTERPROMET**“ d.o.o. Novi Grad za **LOT 1** odbacuje se kao nepravilna u skladu sa odredbama člana 2. stav (1) tačka 1) podtačka 3), a vezi sa odredbama člana 68. stav (4) alineja i) Zakona o javnim nabavkama Bosne i Hercegovine (“Službeni glasnik BiH” broj 39/14, 59/22 i 50/24), iz sljedećih razloga:

- Ponuđač ponudio medicinsko sredstvo koje ne odgovara tehničkoj specifikaciji. Dakle, u Obrascu za cijenu traženo je Pjenušavo dezinfekciono sredstvo za preoperativno kupanje, dekolonizaciju i antiseptu kože na bazi 4-4,5% hlorheksidin diglukonata, a Ponuđač je u svojoj ponudi ponudio sredstvo koncentracije 5% hlorheksidin diglukonata.
- Ponuđač je u ponudi dostavio detalje lijeka za Hibibos T, a ponudio je Hibibos G.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku. Ocijenjeno je da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom.

Iz navedenih razloga, primjenom člana 64. stav (1) tačka b), člana 70. stavovi (1), (3) i (6) Zakona o javnim nabavkama (Sl. glasnik BiH broj: 39/14, 59/22 i 50/24), člana 8. stav (2) tačke d) i f) Pravilnika o

uspostavljanju i radu Komisije za nabavke („Sl. glasnik BiH“ broj: 103/14, 49/23) i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu: Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo. Žalba se podnosi u najmanje 3 (tri) primjerka.

Pripremila:

Melisa Mehić, BA prava
Službenik za javne nabavke

Kontrolisala:

Aldijana Ećo Ajkunić, BA prava
Šef Odsjeka za javne nabavke



DIREKTOR

Prof. dr. Ismet Gavrankapetanović

Dostaviti:

- „TUZLA-FARM“ d.o.o. Tuzla – jadranko.biberovic@tuzlafarm.com;
info@tuzlafarm.com
- D.O.O. „SPEKTROLAB“ Banja Luka – info@spektrolab.com
- "GLOBEX" d.o.o. Zenica – info@globex.ba
- „INTERPROMET“ d.o.o. Novi Grad – andjelasaric@interpromet.biz;
majacvijiic@interpromet.biz
- Odjeljenje za ekonomsko-finansijske poslove
- Bolnička apoteka
- Odsjek za javne nabavke